



Joint Council for
Qualifications

Cynhyrchwyd ar ran: AQA, CCEA, OCR, Pearson a CBAC

**Hysbysiad i Ganolfannau – rhyddhau canlyniadau cymwysterau cyffredinol
Arholiadau Mehefin 2021**

(At sylw penaethiaid canolfannau, uwch arweinwyr a swyddogion arholiadau)

Rhyddhau canlyniadau'n gyfyngedig i ganolfannau'n unig

Bydd copiâu electronig o ganlyniadau yn cael eu rhyddhau i ganolfannau, naill ai trwy wefannau allrwyd diogel y corff dyfarnu neu trwy A2C fel a ganlyn:

Dyddiad	Cymwysterau
0001 awr ddydd Llun 9 Awst 2021	TAG, MATHEMATEG ANNIBYNNOL (FSMQ) Project Estynedig Lefel 3 Cymwysterau Galwedigaethol a Thechnegol
0001 awr ddydd Mercher 11 Awst 2021	TGAU, TLM Projectau Sylfaen ac Uwch Lefel 1 a Lefel 2 Cymwysterau Galwedigaethol a Thechnegol

Rhyddheir y canlyniadau hyn i ganolfannau ar y ddealltwriaeth bod y ffeiliau canlyniadau a'u cynnwys yn aros yn gyfan gwbl gyfrinachol i bennaeth y ganolfan, staff y swyddfa arholiadau a'r staff addysgu uwch hynny yn y ganolfan, y consortiwm neu Multi Academy Trust.

Mae cyrff dyfarnu yn cadw'r hawl i wrthod y consesiwn arbennig o ddarparu gwybodaeth gynnar am ganlyniadau yn electronig yn achos unrhyw ganolfan sy'n torri'r gofynion hyn.

Rhaid i ganolfannau lynu wrth y cyfyngiadau ychwanegol a nodir yn y ddogfen hon.

Cyhoeddi canlyniadau i ymgeiswyr

Gellir cyhoeddi canlyniadau i ymgeiswyr fel a ganlyn:

Dyddiad	Cymwysterau
0830 awr ddydd Mawrth 10 Awst 2021	TAG, MATHEMATEG ANNIBYNNOL (FSMQ) Project Estynedig Lefel 3 Cymwysterau Galwedigaethol a Thechnegol
0830 awr ddydd Iau 12 Awst 2021	TGAU, TLM Projectau Sylfaen ac Uwch Lefel 1 a Lefel 2 Cymwysterau Galwedigaethol a Thechnegol

Ni ddylid rhyddhau'r canlyniadau tan ar ôl 0830 awr ar y dyddiad priodol ar gyfer cyhoeddi'r canlyniadau. **Ni ddylai ymgeiswyr dderbyn canlyniadau trwy e-bost, trwy'r post neu fel arall, cyn 0830 awr.**

Bydd corff dyfarnu yn ystyried unrhyw achos o dorri'r gofynion hyn yn gamymddwyn.

Cyfyngiadau ychwanegol ar ryddhau canlyniadau

Ni ddylid datgelu na thrafod canlyniadau na'r wybodaeth sy'n deillio ohonynt gyda'r canlynol:

- athrawon eraill;
- ymgeiswyr na rhieni;
- sefydliadau addysgol ac Awdurdodau Lleol;
- y cyfryngau;
- unrhyw unigolion eraill.

Yn ogystal, **ni ddylid** datgelu na thrafod y canlyniadau hyn, na'r wybodaeth sy'n deillio ohonynt, ar y cyfryngau cymdeithasol fel Facebook neu Twitter.

Ni ddylai canolfannau ryddhau data canlyniadau i Awdurdodau Lleol tan ar ôl 9.30am ar y dyddiad priodol ar gyfer cyhoeddi'r canlyniadau.

Yn yr un modd, **ni ddylai** canolfannau ryddhau datganiadau i'r wasg na siarad â'r wasg o gwbl tan ar ôl 9.30am ar y dyddiad priodol ar gyfer cyhoeddi canlyniadau.

Ni ddylid rhannu data canlyniadau'n ehangach tan y bydd yr ymgeiswyr wedi derbyn eu canlyniadau.

Bydd corff dyfarnu yn ystyried unrhyw achos o dorri'r gofynion hyn yn gamymddwyn.

Dylai canolfannau dalu sylw i'r ffaith mai canlyniadau rhagarweiniol yw'r rhain ac y gellir eu newid trwy'r gwasanaethau ar ôl canlyniadau cyhoeddedig.

Nid tystysgrifau yw'r datganiadau o ganlyniadau rhagarweiniol ymgeiswyr. Mae cyrff dyfarnu yn cadw'r hawl i newid canlyniadau arholiadau cyn dosbarthu tystysgrifau.

Defnyddio ffeiliau canlyniadau electronig

Nid yw cyrff dyfarnu yn darparu copïau papur o ganlyniadau rhagarweiniol ymgeiswyr. Bydd angen i'r canolfannau ddefnyddio'r data electronig i baratoi'r wybodaeth fydd yn cael ei rhyddhau i'r ymgeiswyr.

Os bydd angen i ymgeiswyr ddarparu eu canlyniadau rhagarweiniol i drydydd parti, fel colegau Chweched Dosbarth neu AB, rydym yn argymhell yn gryf y dylid argraffu datganiadau o ganlyniadau rhagarweiniol yr ymgeiswyr ar bapur pennawd yr ysgol a/neu wedi'u stampio ag enw a logo'r ysgol.

Colegau Chweched Dosbarth ac AB

Bydd colegau chweched dosbarth ac AB yn derbyn canlyniadau ymgeiswyr wedi'u cymeradwyo gan ganolfannau at ddibenion cofrestru, e.e. canlyniadau wedi'u hargraffu ar bapur pennawd yr ysgol a/neu wedi'u stampio ag enw a logo'r ysgol.

Nid oes gwahaniaeth rhwng y data canlyniadau rhagarweiniol sy'n cael eu cynhyrchu o safle allrwyd corff dyfarnu a'r hyn sy'n cael ei gynhyrchu trwy becyn MIS y ganolfan (a fydd yn y rhan fwyaf o

achosion yn rhestru canlyniadau pob corff dyfarnu). Rhaid cofio y gallai canlyniadau rhagarweiniol newid.

Os oes amheuaeth, dylai colegau Chweched Dosbarth ac AB gysylltu ag ysgolion i gael gwybod am ganlyniadau'r ymgeisydd neu gallant ofyn i'r ymgeisydd am ei d/thystysgrifau, unwaith y byddan nhw wedi'u dosbarthu. Y dystysgrif yw'r cofnod terfynol o gyflawniad yr ymgeisydd.

JCQ ©2021